

樹經堂詩續集

樹經堂詩續集總目

第一卷

兌麗軒草古今體詩七十八首

第二卷

就瞻草古今體詩八十二首

第三卷

膠鸞草古今體詩八十七首

第四卷

銅鼓亭草上古今體詩五十六首

第五卷

銅鼓亭草下古今體詩七十三首

第六卷

清風堂草上古今體詩八十首

第七卷

清風堂草中論元詩絕句七十首明詩絕句九十六

首

第八卷

清風堂草下古今體詩九十六首

允麗軒集

南康謝啓昆蘇潭

竹垞經義攷之闕予旣作小學攷以補之成五十卷
矣又擴史部之書爲史籍攷以匹經義因葺官廨西
偏屋數十楹聚書以居友人庭故有高梧二株予每
以公暇對梧編勘欣然忘疲凡古來政治之得失山
川人物之同異上下數千年間得諸友人相與商校
又深契乎麗澤講習之意遂以名西偏之廨曰允麗
軒余是年于軒中梧下作詩若干首因以名其詩爲

允麗軒草嘉慶三年秋日南康謝啟昆題于浙江布
政使官廨

瑪瑙寺牡丹歌送李松雲北上

養花天氣陰復晴繡毬壓檻風不驚海棠零落紫藤老
鼠姑纔放雙眼明花光如雲照深院露重垂枝嬌欲顫
紅泉碧澗幾春風瑪瑙坡前一相見三春霖霖釀花房
穀雨剛過新茗香行樂何須挾絲竹年豐未可廢壺觴
衣聲綵繚畫船開都自燒香上竺來草綠蘇隄一痕直
蜂喧葛嶺萬人回此際遲日正當中日影那敵花影紅

松腰玉珮舞旋風不遮繡幕搖虛空百花有神春不管

六一泉邊色尤淺

花神廟六一泉牡丹俱不及瑪瑙寺之盛

風光到此十分

酣羯鼓無聲谷回暖傳聞花下徵歌扇綺席千金開一
宴繁華已逐綵雲飛花意不隨人事變李白將行聽踏
歌桃花潭比西湖波人不如花歲常好花如惜別影婆
娑黃塵烏帽長安陌千里河隄柳絲碧豐宜門外菱尾
春啣杯定憶江南客

寓齋牡丹有感二首

綠窗朱戶鎖春烟不返芳魂又隔年已斷音容雲外想

忽逢蓬閣夢中緣
露華浥浥將闌夜
香霧濛濛薄暖天
倚檻無人嬌欲語
鄂君繡被未成眠

東風不管離人恨
錦爛霞堆放滿軒
剩有狸奴眠舊塢
忍呼燭婢照芳樽
珠簾絮撲春無影
玉鏡臺虛淚有痕
待取香泥包落蘂
種成連理定回根

以牡丹酥餉蘭雪兼柬侯心齋二首

花開纔五日預愁紅雨飛
餽付搏五色至味馥且肥
絕代有佳人甘爲知己死
玉顏葬錦腹夢筆得花髓

尚書何太忍愛汝和餉杏
幸療季女飢羞同名士餅餌

憶香雲屋駢詞侑叔追廚羹事已非頓悟色空旨

蘇潭香雲

書屋牡丹大盛丙午歲曾以花酥致
侯心齋并作四六啟今十餘年矣

晚春卽事柬蘭雪

會計寧多暇心清却有餘惜花填小句剩墨作新書白

袷減春服紅欄烹晚蔬松棚添十架恰似厭原居

西山名厭

原

蘭雪連日宿西湖尋之不獲招之以詩

看山不覺遠乘月弄烟霏詩與湖天濶人同野鶴飛青
簾圍客舫白板叩禪扉下榻無多日祛塵待爾歸

題宋高宗紹興六年賜岳忠武勅後

三字獄沈大理寺不記詔書手親賜和戎議成長脚翁
幹蠱詞愧光堯帝帝因多難激臣心錦文御押墨痕深
奉諱言歸不得請京西宣撫綬經臨武昌調軍禦兀朮
紹興六年夏四月史書起復日丙午勅乃五月乙未日
廬阜陳情辭再三反經行權義所詣忍看蛟龍失汴水
寧容虎豹臥江潭紅羅樹幟敵膽寒軍令不撼堅如山
痛飲黃龍誓諸將要奉二聖鑾輿還盡孝于忠古所稀
報國不恤蹈危機兩河父老望旌旗背鬼軍散痛哭歸

十年之功一旦棄何如當時許終制便番詔紙誰所頒
十二金牌誰所致規復中原卿素志豈有淮西逗畱事
蟬蠹不蝕精忠心六百餘載珠燕笥墨林祕玩藥州鐫
此札更在五年前玉軸已同銅爵寶遺文可續金陀編
幕之廟壁且深刻簿錄左藏蹟未滅歲暮片紙千秋疑
罪案空歸俊與嵩

陳望之藥州曾刻項子京所藏紹興
十一年二月十九日御札與此不同

附錄宋高宗賜岳忠武勅

三年之喪古今之通禮也卿終天年連請守制者
經也然國事多艱之秋正人臣幹蠱之日反經行權

以墨綬視事古人亦嘗行之不獨卿始何必過奏之
耶 練兵襄陽以窺中原乃卿素志諸將正在矢
師効力卿 一日離軍當以恢復爲 盡孝於忠更
爲所難卿其勉之

紹興六年五月二十八日

皇帝書賜岳飛

紫雲洞

樵風生兩腋客輿筮不速萬頃凌波光一徑造雲谷石
室豁爾開紫琳割山腹懸磴下百尺布席千夫足天然

啟戶牖白日影倒燭鑒空出欄楯禮佛半間屋燒山躑
躑紅翻海簣簣綠陰寒逼毛髮添衣命童僕白沙泉可
斟葛嶺遙相矚出洞雲與飛導我雙蝙蝠

去洞半里有蝙蝠洞

黃龍洞

蝙蝠忽焉化蜃氣噓蜿蜒山靈所蟠結異境紛屢遷無
風響濤籟虬髯回蒼烟崢嶸露頭角俯視珠在淵慧開
此卓錫雷震山中泉其廣僅十笏世界涵大千金身現
丈六控鼇東溟旋暑天鬱雲雨澤及之江田六飛屢
臨幸睿藻青瑤鐫爲章成五色大哉仰乾元

金鼓洞

洞有天啟年大庾孫氏所藏呂洞賓自寫真容又有飛來野鶴四大字

巒坡往復還野鶴飛還落縹緲好樓居上有呂仙閣羽
化丹訣成棲真在巖壑大庾傳遺像瓢笠露雙脚眉公
與香光題跋宛如昨我輩言孔孟臨民求治略佞佛墮
空虛鍊形誤靈藥張樂洞庭野元音合廣漠魚鳥互升
沈金奏非所樂道人揖我去言志爾盍各

趙甌北自毘陵過訪邀同馮星實沈青齋吳蘭
雪小飲湖上甌北有詩卽席和韻二首

元龍湖海氣猶存壯歲交情晚益敦百里仙風吹客棹

一時詩老話清樽
斬新樓閣明斜照

新葺西湖諸景

依舊雲山

識遠村來日隄邊
多載酒有人問字武林門

歐北住許莊

海內論詩正法存
三江壇坫要君敦
烟霞廊廟爭千古

白髮青山共一樽
有酒應澆和靖墓
瓣香還寄浣花村

歐北爲余言近作懷杜閣于蘇州

京華舊雨居然聚
彷彿春燈話禁門

是日蘭雪有詩和韻

接羅倒載聽堤歌
雨後柔畦膩似羅
諸老觀河鬚鬢改

一生冠玉笑談多
勾留畫舫鷗羣識
偃蹇孤山鶴夢過

蘭雪連宵宿湖上

脫手新詩驚座上
定容接武上鑾坡

蘭雪湖上復有詩來次韻荅之是夕大風雨

聽風聽雨擁孤舟只有漁燈照獨遊十日客圍花裏座

千篇詞唱酒家樓夢回舊事連牀約

舊與覃溪師有對牀聽雨圖心

似浮雲逐水流越樹吳山畱不住烟波浩蕩一沙鷗

時將

理歸棹

清和月之二日同陸璞堂廉訪張穆菴都轉勘

工海寧宿安瀾園次日登尖山歸途觀潮得詩

四首

不爲籃輿訪舊家行隄小住自清嘉苔衣繡石山無縫

荇帶牽舟水一涯驟雨幕翻江燕子迴風檻落海桐花
筠香館畔陰深處玉板題詩望翠華

亭收衆綠雨餘新恰可敷牀話故人掾吏看山容入座
園翁對酒反爲賓廚行蔬筍思初服汛穩桃花過暮春
夜半潮聲鳴枕上夢回曉日海門津

本名遂初園是日璞堂茹素

畫圖濃染翠烟村亘古空濛雪浪痕沙勢枕流綿北岸
潮神受命東中臺兩山脈鎖魚龍偃萬里風搏鸛鶴驚
大士閣前平似掌海天影倒入空尊

奔騰萬弩響成圍報道潮頭馬後飛吹作白雲爭鳥疾

催成暮雨趁人歸
巖花漠漠都飄絮
海氣濛濛半濕衣
漁唱正低帆未落
鹽官城外又斜暉

自題塑像二首

控搏造化眞兒戲
信手拈來悟象先
六十年間成一夢
虛龕夜夜月光圓

非我非人究何喻
有形有色不參禪
此身大塊同歸宿
桃梗相遭亦偶然

題陸璞堂適園灌畦圖四首

秀才風味在難捨
是藜羹禁苑頭銜潔
先疇碩德清漢

陰機久息嘉石政初成想像吾廬好空堂谷水聲

所居名谷

水

桃李乘春藝經畝穫可圖餐冰到廬嶽飲綠復明湖布
獲十州澤昭蘇千百區蒼生恨來晚未信老園夫

舊學箋名物門生議食單吳淞園小築鮭菜作常餐草
木閒中咏雲烟靜裏觀笑公謀太早鬢黑面如丹

半畝蘇潭宅曾依蔽芾陰懷鄉歌茂舍學圃漫追尋獨
樂非君忍叩須望友深遺書繙汜勝讀畫鬱同心

題何夢華林外得碑圖

黃小松畫

摩挲古硯晉甌殘插架藤陰鐵鏤寒忽覩漢碑親禮器
如迎先輩肅衣冠千春蘚蝕逢知己三尺虬蟠得巨觀
滿冊虹光湖上燭烟雲袖出散花灘

洪釋當年誠未見龢彪遺碣此同工壁間絲竹清音起
牆外莓苔落照紅繼訪熹平邳水阮旁搜泰岱藥洲翁
萬年永壽登金石松檜森森漢殿風
夢華得漢永壽元年孔君碣于孔林
冠外阮芸臺亦得熹平二年碑

竹柏樓爲袁節婦作

韓氏女袁家婦婦于歸年十九越六年喪所天哀烏夜

月彈孤弦香溪之濱寡鳳棲竹葉青青柏葉齊餐竹實
飲柏漿收羅襦守空房樓上居哺其雛淚灑竹色不枯
心比柏堅不渝一樓寒影照讀書荻灰冷逼篝燈虛再
三作圖狀貞潔惜哉不遇王摩詰一腔誰寫湘妃血禿
毫難繪柏舟節暮倚脩竹翠袖寒繡佛長參柏子禪不
展眉黛脩花鈿風雨雨霏綠烟飲冰茹蘗十五年婦
道母道肩其全四十稱觴曰舍旃嗟未亡人軀可捐嗚
呼古來烈士亦如此信國小樓臥不死奚啻彭城居燕
子

送劉誠甫之任閩臬兼請入覲四首

經術推中壘齊名羨弟兄京華交耐久烏府望尤清
山水迎行舄艤鱣息浪鯨瘴烟蠻雨外執法一星明

掄才到汾晉校士復岷峨碧玉泉盟節鴻文錦濯波先

生真永叔門下有東坡按任李石農爲君門下士循吏傳衣鉢東甌

聽巷歌

八閩閉古郡百越控雄風要使莠稂化能教囹圄空

亭松露碧花嶼荔雲紅未損廉兼惠分嘗寄遠筒

置酒臨芳榭西風憶去年去秋勘事至永嘉君飲我于且園山川畱勝

躋父老悵離筵驄馬錢塘上朱轡潞水邊火雲忘六月
冰殿早朝 天

三子說經圖

鏗鏗嘉定錢可廬毛詩古訓窮爬梳結跏趺坐撚其鬚
旁有抱膝清而腴安定之望桐城胡古文今文述尚書
髯也超羣嫻且都三家識墜思縈紆是爲海寧陳仲魚
地之相去千里殊二士門出陳與朱陳東浦方伯官安
徽時舉雒君移任
蘇州舉可廬雒君尋
爲朱石君尚書疏薦其一乃厠蘇潭徒學有專家異轍
途胡爲繪事同一圖方今 詔令徵醇儒東南鼓澤多

璠璣其尤著者越與吳舉三君可概其餘東浦先生今

大蘇搜羅奇士及菰蘆鼎足之語非虛譽

東浦方伯每語人曰有好

古之學者必有高世之行如可廬維君仲魚可稱鼎足三君感其意因繪此圖近者研北同操

觚兌麗軒開實佐余小學攷補如貫珠史籍日夕供伊

唔閒來接席笑言俱便腹筇相嬉娛漢之三賢充統

符又曰宏寬董仲舒諸子經術古不渝勿爲標榜顧及

廚倩君添畫一老夫高談雄辯驚四隅

梅莊訪陳華南

臥病假丞秋鶴瘦苦吟詩叟夜蟬寒怕逢俗客非嫌客

撇却微官勝有官
港桃花明綠淨
山牆修竹自檀欒
我來訪舊兼懷古
閣清風尚識韓

題江墨君秋林讀書圖卽送赴山陰幕

我昔守宜州同官識子九
名吏治求循良奇文辨蝌蚪

從子得墨君樸學繼先後
篆刻精六書漢儒相授受聞

聲未覲面訓詁傳吾友
維君爲余云君作四書解詁買棹訪之江塵

談揮左右早涼坐樹根
韋編不去手近乃習申韓寧甘

守甕牖抗懷思致君窮經尚黑首
中丞玉達齋古臯陶

許君善決剖讀律求國典
崇臺望亦厚見阮學山陰雄

繁地訟獄聚淵藪幕佐貴精明經術占抱負稽山淨如
沐鏡水清無垢他時作有司聲名拾芥取展卷雙眼明
瘦影入秋柳

西湖新作東坡祠詩以紀事

看徧浙西好山水峨嵎月照八千里桐鄉死後尚神游
湖上生前況棲止平生出處似樂天蘇隄恰繞白隄邊
杭人思公七百載作祠乃在嘉慶年夢裏西泠舊風月
湖樓海鏡孤山雪言詩定與少游親參偈還呼辨才出
功德在民報所先仰止思齊感後賢吳人好事薦秋菊

只解逋仙與水仙

七月朔日禱天竺得雨志喜二首

香花竺國供何年歲走黃童與白顛共說穰饑權在佛
能令水旱運回天聖人設教神道我輩持官如老禪
霍霍磨刀向鷺鴨庖廚十日斷葷羶

颯颯西來漸及東神慳已破勢冥濛持盈尚厯三秋慮

望澤還偕十郡同夜話靈壇懷舊雨

乙卯歲與田碧坡方伯秦蓉莊都轉

屢祈禱于此

朝驅酷吏有清風懸知奏賀天南徧洗甲銀

河萬里通

覃溪師命題西涯圖四首

風騷明代數文正故宅重尋三百年名士流連潭水上
舊聞考證市橋邊浪浪青雨題南岳簌簌秋聲寫石田
今日追摹行樂地煙雲八結墨林緣

退食春明燕坐時風廻曲檻寫漣漪休官得遂章三上
買宅空憐水一涯對客可無鮭菜設造門頻有翰書隨
畏吾村畔城西路爲訪平泉覓斷碑

依然種竹兼移竹彷彿南街接北街座納孤峯煙月迴
夢尋十友咏觴偕長沙風物吟空憶

西涯有長沙竹枝詞京國心

情老未諧領袖詞林誰接武黃金合鑄寶蘇齋

都尉風流真好事郵筒千里倩人圖先生桑梓尚遺澤

丞相園亭空夕燕殘芰寒潭鷗宅外垂楊古寺鳳城隅

能排何李尊懷麓詩境師齋名詩龕時帆號仗力扶覃溪師

壬辰春予得李西涯種竹詩卷後有南岳退翁和尚題跋有雨浪浪梅未放之句乙卯又得石田畫西涯移竹圖遂成合璧今法時帆學士詳攷西涯地址卽今之積水潭在李文正舊宅西李光橋當爲李公橋繪西涯卷子一時賦詠甚盛余因託陳默齋求錢塘方蘭癡更爲之圖并屬蘊山和作亦千里一室之墨緣也

題阮芸臺學使修書圖四首

作賦擬張衡

御試擬張衡天象賦擢君第一

才華薄子京三公頭尚

黑萬卷眼尤明淮海英靈集青齊雅頌聲浮江載書局

椽燭照湖清

福慧一身兼蛾眉侍豈嫌鄉媛司玉女花月隔重簾作

達心常警臨文律更嚴不須辭半臂深夜篆香添

西院一垣隔日長聞讀書亭荷香定後橋樹影移初

院有

定香亭影橋

堂後無絲竹階前識鳥魚論文頻接席觀海轉

愁余

玉堂懷往歲 國史記同編老我風塵困慚公學力堅

人材搜隱匿金石付雕鐫可許蓬山藏重窺舊籍仙

思蘭曲爲邵右菴作

樹蘭香蓓蕾采蘭顏色改枝有本兮花有心願言思之
背與襟和風長養玉芽發不見南陔雙白髮安樂窩中
春意足寸草年年長幽屋五十孺慕恆若此錢塘孝廉
眞孝子此物本是吾家種蓼莪同觸廿年痛

題錢忠節公肅樂遺像爲鄭簡香作

石銜精衛愚時昧玉步改福唐二王滅魯藩一綫在太
倉老州收義士結閩海採薯食不飽祝髮命遙待飄泊

寄孤航盡瘁卒二載尺書招登華豎子遘鄭采是曷事
則殊文陸死不悔忠介易忠節 詔爲世模楷白榜仰
威風芒角想解鴈千秋黃蘗山一腔碧血灑彌甥奉遺
像鶴浦薦蘭茝初服識衣冠瘦骨高磊嵬

自題六如圖

王沛堂畫春夏秋
冬獨立乘騎六幅

王生畫入微畫骨不畫皮老夫任天真遺貌得其神鏡
裏鬚眉現千百何用泡影觀我身我不縛禪律亦不關
佛說動靜語默時偕行窮通出處生分別十五入學初
知名二十有三歌鹿鳴再捷南宮宴聞喜薰風 殿角

聽蜩聲

御試五月鳴蜩詩

十載瀛州典秋試看花洛陌控飛騎

一麾山守鉞璽城金焦兩點天浮翠揚州明月瓊花亭

楊柳灣頭芍藥廳判了朶雲休掾吏牽來珠箔放湖舲

霹靂從天警噩夢憂忠已空魂尚痛五馬重游宛水清

層樓恰受青山供一臥章門歲月深空潭雲影淨人心

已拚江湖容跛蹶誰知天意照幽沈三遷謬廁諸司

長補苴無術愧鞅掌擘開恆霍見鴻濛倒挽汾河歸沆

澔湖山再到認前蹤父老寧能忘息壤眼閱紅塵萬劫

多心驚白髮三千丈花下何曾聽栗畱碧筒空解醉清

流誰家桂子天香曲何處名園白雪謳獨立敢肩天下
事帽影鞭絲不辭瘁晦明風雨無時休險阻艱虞一身
備富貴眞同春夢婆壯不如人老蹉跎寶劒酬恩感國
士封狼仰射揮天戈披我圖發我歌蘇潭蘇潭狀若何
面目本來無二致添毫頰上豈須多居士漫題唐伯虎
名亭敢效蘇東坡如如隨地得心印與君對影觀恆河

大中丞達齋先生新修瑞石山丁仙閣繪圖紀

事命賦二章

第一山逢第一人煙雲面目待重新海天萬里當簷合

城郭千家指掌陳高下亭隨巖曲折槎柯樹結石嶙峋
舊游只道西泠好那識神仙古洞春

不須特地起樓臺小閣山圍燕座開溽暑銷殘騶從屏

朶雲判罷鶴飛來隨車雨或霑朱蓋鼓穴風能淨碧埃

空翠圖成仙蹟在紫陽更勒石崔嵬

西湖志明布政使范涑集紫陽菴諸

勝撰爲紫陽仙蹟記并繪成圖勒石空翠亭中紫陽菴卽今之丁仙閣新葺二亭疑卽空翠亭舊址也

題二老圖像二首

鄭簡香旣築二老堂以祀竹垞寒村二先生復繪二老重

逢圖蓋取竹垞久別重逢轉傾倒之句也今年兩家子弟合祭于吳山屬余題句

文章交道百年新鶴浦駕湖異地親簪笠青衫拜遺像

吳山風雨讀書人

贊公結屋傳工部詩話名堂屬子充今日築祠兼繪像
故家高義激頽風

嘉慶三年七月廿七日張穆菴邀同陸璞堂札

稼田蔣培元李石農游韜光素小峴以事不至

萬林新沐綠無痕徑轉煙開認寺門雲谷暗隨天影動

風篁怒挾海潮翻人非七逸圖宜補

相約繪圖紀事

佛是初心

偈尚存小憩山腰攬諸景江湖一勺掌中吞

空傳丹竈畱仙洞不見金蓮種玉池慣聽泉聲魚躍靜

初圓茶夢鶴歸遲雪泥鴻爪思前度

璞堂爲余言三十
年前一到此余則

三年之內
重來游也

白社巢居訂後期手摘天香待明月座中可

少少游詩

題李武曾先生藝蘭圖卽次卷中梁相國蕉林

韻二首

浮雲富貴等鴻毛秋滿山房錦樹高名譽中年動寥廓

關河萬里歎蕭騷連牀夜雨開詞屋尋壑春風命酒舫

謂斯年分虎兩先生斯年有
尋壑集分虎有春草居集

空谷無人羞自獻何嘗瀟

灑涇青袍

翠色當門欲染袍
鴛湖煙雨送吳舸
竹垞臂詩聯社
蘭畹盟心賦擬騷
寵贈豈邀黃閣貴
言歸眞羨白雲高
百年臭味傳書帶
哲嗣于今有鳳毛

謂裔孫
既方

劉澄齋太史過訪武林以拙集六種貽之猥賜

題章作此荅謝卽以贈行

忻口蓮洋孰問津
晉陽今見兩詞人

謂李石
農與君

西湖追瘡

初過夏北郭尋詩欲借春
脫手吟成花裏集
掀髯談動

座中賓不勞七發能驅厲
信是先生句有神

君病瘡
新愈

後來居上積薪如故事
詞林禮未疎
獨許談經奪重席

何曾折節怕尚書十科我自慚先達三館君仍憶舊廬

一臥湖樓五旬浹襟懷吐納海天虛

君來詩自稱十科後進

半榻茶煙話寂寥錢塘門外一僧寮五更夢醒曾呼月

千里舟來爲看潮驚嶺香風人意遠汾河秋雨雁飛遙

溪山如此休言去記取泥痕印六橋

君居昭慶寺約八月十八日觀潮次

日卽啓行也

我行晉水又江濱兩地山川載筆頻裒帙竟成塵外賞

言詩恰遇箇中人知心元白交同訂古意蘇黃和更真

左賦無須士安序分題六首祕函珍

題碧山吟社圖二首爲小峴賦

沈石田爲秦公修敬作

同心息壤十詩老過眼風燈三百年鬚鬢蕭疎二泉上

精靈呵護九龍前放懷觴詠思清節寄暢園亭啓後賢

神物合離應有數竹爐重話舊因緣

其地在今寄暢園之旁

白屋青山但賦詩肯將偉績讓臯夔爭推北郭才名盛

豈似東林黨禍遺諸老眞能修慧業人生難得遇清時

裔孫官好兼詞翰結社新圖更屬誰

戊午八月十八日偕張穆菴陸璞堂秦小峴祀

秋濤宮禮畢邀吳穀人劉澄齋同飲樓上卽送

澄齋還晉陽

祠官望拜肅清班三度明禋傑閣攀

乙卯丙辰及今三祭潮神生日

恰乘金德旺

俗傳是日爲潮生日

神來高擁月輪環積成灝氣中

秋後瀉入空懷萬里間一線中疊歸約束御香新自

紫雲頒

昨荷上賜藏香祀海神

天涯聚首此樓巔六客同來似列仙江海平吞傾酒榼

雲濤怒挾上吟箋賦尋初服冥鴻外

謂穀人

夢入秋聲白

鷺邊我輩塵勞君自逸爭如潮汐會重圓

王夢樓同年自吳門過訪一夕返禪賦贈二首

畫船百里放姑蘇，嘯詠溪山未肯辜。
三載思君如曉月，一樓邀我看晴湖。
情親自昔垂青眼，齒少于今亦白鬚。
乘興子猷還見戴，誰將二老繪成圖。
是日留君午飯，君匆匆返寓云要看晴湖光景也。

四十年來老翰林，一麾出守竟抽簪。
詩名半爲工書掩，禪悅還因協律深。
佛可兼仙能換骨，我聞說法解安心。
雲鴻信宿便飛去，但聽湖山空外音。

西湖餞春圖二首爲頻伽作

與會者東鄉吳蘭雪、錢塘何夢華、陳

曼生及吳江郭頻伽也。

諸生好事惜嬌紅彩鷁輕鷗綠水通漲僅畱痕難著墨
夢如遠別忽成空泥人煙月頻中酒老我心情欲御風
數遍闌干絲柳外明年記取畫橋東

蓬蓬遠色上湖潯繪影奚生妙入神細雨斜風頻送客
珠泉玉笛忽催人三江名士耳邊瑱千古流光陌上塵
跋扈飛揚年少事黃金那復買青春

嘉慶三年八月廿五日訪馮鷺庭于項氏小園
約陸璞堂秦小峴沈青齋龔匏伯同游景霞莊
因過匏伯居得詩三首莊本名金衙以不雅馴

故易之

袖得鴛湖一棹回，畫圖又向墨林開。
園亭貯景憑君借，騎從停喧許我來。
徑僻紅塵無半點，官貧金粟有千堆。
招邀步履東籬畔，踏破苔痕白鷺猜。

臯園

莊本名臯園

恰似野人家，屋上芙蓉射。早霞屐到都雷。

筠籊粉風來，吹落木樨花。但聞詩句題桐葉，怕沸笙歌。

拍藥芽，占盡溪山深秀地。莊名不合號金衙。

園有視枝山溪山深

秀題額

歸從六詔浣衣塵，勝舍名高獨葆真。
鄰氏園林頻易主。

先生杖履自生春清才座擁湖山窟循吏家傳渤海濱
同詠霓裳天上曲披雲一見倍情親

八月廿八日陪芸臺先生祀蘇文忠祠先生將
北行是日餞於湖上

蘇公文如海元氣無定止散髮騎長鯨偶落聖湖汜先
生住西湖于今三載矣愛才復好古氣味與公似作祠
照秋波一掬羞明水我拜從其後瓣香企彼美公去先
生在選俊式多士先生又北行秩宗荷天旨諸生日
繫維先生曰無以忠孝鬱文章與蘇無二軌我與先生

厚衙齋況尺咫過從必論文經術通治理冠蓋聚湖濬
望雲思帝里明歲期重來同薦菊花蕊

奉和芸臺先生畱別之作

螭頭舫子映秋山別意湖波浩渺間青瑣白雲卿月迴

黃花細雨使星還

重陽次
日啓行

鴻泥偶爾畱新跡竹柏依然

照舊顏

是時飲于柏
堂竹閣間也

白傳重來蘇再至先生應不恨緣

慳

白樂天自中書舍人出守杭州
詩惜子貞元未羈旅曾游此

馮孟亭先生八十壽

禁籞拈簪四十春喬松獨鶴骨嶙峋紫微上界神仙吏

白髮中朝諫議臣
鳩杖特頒尊大老
鹿鳴再宴衍嘉賓
范湖煙雨駕湖月
一棹閒吟自在身

角里街前駐客車
廿年前識野王家
玉溪注出唐音嗣
金薤文垂漢隸誇
卿士隨班牀上笏
科名稱意膝前花
九旬天子多耆宿
豈嚙雲籤五色霞

姚姬傳自金陵來訪
飲于湖上賦贈二首
兼以送別

白髮郎潛舊史官
蘭陔遂養謝朝冠
人鈔經解接唐宋
世有古文窺孟韓
桃李兩江環座右

君掌教敬敷鍾山
兩書院十餘年

山川六代入毫端米家船泊虹光起盡向錢塘引領看
卅載春闈共校文天涯萍聚我偕君幾人謾誇蘭臺史
萬里驅馳渭水軍辛卯分校禮闈者十八人今惟君與余及吳白華秦芝軒祝芷塘姚佃芝
在白華官都御史芷塘佃芝均官御史芷塘落落晨星
以言事鐫秩芝軒則開府關中勦教匪也

湖上客輝輝金粟驚峯雲江風十日催歸棹乍合何堪

袂又分

湖雲蒸白嶺霞紅鏡裏人行入夢同如此山川歸未得
野溪閒殺菱荷風

魂落天南不可招數椽茅屋雨蕭蕭早知窮達終歸命
悔不嵇山侶老樵

鴻泥無定燕巢遷妙契元機二研編

制嶼二研齋遺案有鴻爪不留原是

寄燕巢初定即爲家之句

差免西華憂葛帔敝廬無恙淚潸然

不見當時卜築人蒙泉重証去來因山陰絲竹風流歎
剩有南湖照舊身

詞二首爲西園賦

西園由兵曹出牧狄道州

三

就瞻

馬市諫陳遷武始煤山開記感臨洮番人廬帳思公茭
楊父詩書逮爾曹佞骨已隨秋草腐忠祠猶傍碧雲高
容城疏稿書堂像異世同官汨酒袍

報恩未死歎支離白髮新愁謫所詩
蚬膽已空魂尙驚
虎威難縱骨尤奇
鷄虫得失鈴
山閣風月清明潤
水祠
一笑嵩鸞同日盡
何勞積鋏鑄遺屍
西園欲仿岳廟例
鑄嚴仇像于祠前

題陸祁生拂珊瑚亭集卽送入都兼柬祁聞

東南詩老數袁

才子趙松雲

陸生年少得名早
浣塵出水玉

芙蓉追電行
空金驪裏春愁似海思湧泉柳枝詞竝竹

枝篇水調江南怨瑤瑟楚雲湘月彈朱絃落葉飄零悵

淒楚哭兄哭姊淚如雨鳴禽春草夢空亭薜帶蘿衣泣

黃浦今年買棹遊杭州阮公

芸臺

好士情相投過從示我

詩一冊蓬巒

署中軒名

六月風颼颼昨來昆陵洪翰林

雅論存

詩與子同苔岑敢詡鄒枚參座右重逢蘇白和騷吟名

落孫山不得意丈夫豈竟艱一第出門西笑望長安席

帽青衫趁飛騎士衡三十入洛陽子年廿七力方剛農

師博雅世無雙子氣如虹吞長江萬里雲程始得路釣

竿漫拂珊瑚樹阿咸亦是射鵰才行卷聯吟預秋賦

嘉慶三年十二月十九日祀蘇文忠作詩紀事
邀同人共和之

蘇祠新作聖湖止祀公生日自今始景祐三年歷嘉慶
紀元一十四甲子公之元氣無增減漫以俗情別生死
烏雲一帖贗古香宋槧殘編供裴几廿年前憶寶蘇室
一瓣心香祝

帝里萬派朝宗詩祖尊冠蓋復萃東南美春風脩耳夢
蘧蘧夜雨蘭陵呼起起峨嵋山月照前身千偈電光一
彈指讀書堂畔音楚然竹閣蕭蕭奉杖履壁上和詩有

太虛座中吹笛無李委錢塘暮潮帶雪霏珠斗光寒射
湖水祈公喚醒水仙王倒捲葑雲開鏡裏啣土願攄精
衛心捐金不費水衡使南飛鶴在孤山陰歲歲爲公薦
梅蘂

追題查少保敬誠先生征西圖四首爲恩遠亭

觀察賦

雍正十一年寧遠大將軍查郎阿擒賊于古吉兒和碩齊軍諮祭酒郭朝祚繪

圖紀
事

先皇廟算制西陲大帥承謨總六師久信元猷兼將相
式瞻遺貌識旌旗罕开屯種開充國回紇威名懾子儀

拓地如今二萬里半由當日玉韜奇

將軍雄畧定天山一矢先教賊膽寒茶火軍容親布陣
風雷號令舊登壇臣能不殺三邊靖將在無貪九石看

公攜九石以歸繪九石圖賴有添毫郭忠恕雲臺褒鄂得傳觀

長纓繫頸手生擒玉笛春風奏凱音上國受降崩厥角
遠人不反革其心合營萬幕連雲重立馬千峰積雪深
七十年來尋戰壘親栽楊柳定成陰

持鈞許繼范韓勳玉陛親題

主眷殷

御賜詩玉陛資調燮西陲運計籌持鈞推舊德補袞著嘉猷可繼蕭曹業還同韓范儔江湖

典廊廟莫釋一心憂黃閣詞臣稱後進麗眉詩老紀從軍卷中題詠者深

陽史文靖海寧陳文勤武進劉文恪文定皆公後進長洲沈文懋則公門下士也指揮驃騎毫

端躍摧拉雄酋紙上聞觀察相看典型在同官猶及誦清芬

題張松園蕉陰默坐圖四首

侯輕萬戶張公子豪氣消磨少日心射雉城隅春似海紅塵不到綠天深

靜結跏趺踵息通八閩五嶺舊遊空蕭蕭聽雨虛窗外彷彿江聲打箬篷

疾行避影那知休雲出無心倦或畱覆鹿墮中成昨夢
涼州風物又杭州

鬢未全皤眼未昏可能屏跡守衡門海陵舊跡憑君訪
十畝濃陰水繪園

送陳仲魚北上

鄉舉曰孝廉方正兼則鮮子應方正科再申孝廉選名
者實之賓士也天下善方今尚樸學制藝嗤膚淺豈識
代聖言經籍資博衍子于場屋文訓詰參奧典簇簇生
新機五色眼能辨

今年主司評君文熟于訓詰簇簇生新如見其人也

同時十二

人驥述子初展家世鹽官城蟬聯盛冠冕文簡與文勤
相繼登台鉉子獨抱遺經閉戶松濤卷君有歲寒
耽讀圖佐我
兌麗軒六書研鳥篆行舉言竝揚來譽往不蹇衍衍遵
周行青袍侍華輦射策期第一董賈義敦勉四十頭未
斑尚可致通顯豈徒科第謀當思祖德闡嚆矢吾言先
丹梯子行踐蓬軒柳未稊硯舫毫同吮掀髯一笑粲湖
水添芳餞

題觀潮圖二首示學崇

我昔觀潮日兒生在襁時今年猶未冠初學咏潮詩強

弩千軍挽飛濤萬馬馳江樓憑縱目逝者信如斯

曲江惟此地揚子本無潮七發世誰辨伍胥魂可招我

方巡海微汝正臥山椒一病霍然起觀圖神理超

時崇養病

題張穆菴倚松靠石圖

森森澗裏松先生有睟容磊磊巖中石先生具高格海
岳丈人支離叟談諧訕笑無不有獨立一生依傍空愛
此雙清結賓友廣運潭深夜月明梅花書屋影縱橫倩
君添我石傍坐蒼顏白髮共鷗盟

嘉慶四年二月十八日山東道中雪二首

浩浩山河白天容亦改常飛花同縞素洒涕泣

先皇父老霑新澤青齊說屢康霽雲遲日觀策馬泰山陽

快讀

新頒詔層陰萬里開春田去蝨賊元氣轉胚胎識面感

天語傾心依上台

請觀摺奉批朕從未識汝之面准汝來欽此岷峨頻報

捷應共雪飛來

雪後望泰山二首

鞭起扶桑日吹開玉檢封白雲留漢殿寒氣壓秦松嵐
薄垂雙闕春深擁六龍天門攀若近岳寺一聲鐘

聞道雞鳴候海縣千萬堆更添前夜雪照耀白蓮臺瘞
玉遲春狩吹花徧甫徠天風催掃磴柴望秩宗來

卽事四首

墨吏驅民是亂萌一聞

天語涕縱橫綠林拭目看

新詔赤子何心弄盜兵一夜沙蟲化猿鶴三千貔虎剪
鯢鯨將軍細柳連營靜湯網宏開慶再生

帝鑒臨

上曰外官賢

誼

納言敷款款

四次奏對約數千言

感恩食德痛沈沈

上詢及出身歷任由知府洊至

太上帝特

達之知不覺涕零

上亦潛然

旬宣受

命無多語愛養黎元是寶箴

望瀛臺

瀛洲縹緲連天碧紫雪紅雲浩無極六鼇海上浮三山

五鳳樓高影千尺長虹下吸玉河邊斑斑車馬早朝

天臺閣參差倚寒翠行客不許停絲鞭

先皇校士紫光閣珥筆趨陪峙鸞鶴朔雲五色暈重圓

有集卷之三
萬馬無聲羽箭落腹堅水澤冰層層雪花交墮液池騰
黃幄

御牀坐天上羽林子弟如飛騰

鼎湖龍馭不可攀月出

衣冠闕殿還何日

重華許儼值鵠行重逐柳波灣

太平春舫二首爲蔣戟門賦

卅年夢不到朱閣臨脩渚忽見畫中姿似聞江上櫓細
緋含未開娟娟遶處女枝榦慘不春憐汝歌相府記昔

謁文恪誼豈比張禹後堂閑絲竹簪履羅門戶當日無
此花何時闢新宇物換人亦非臨風淚如雨

高樓俯雉堞窈窕神仙居培塿帶疎柳行人窺路隅

題李公第跡考西涯圖

見法梧門西涯圖考

此地萃諸勝卿士聯

襟裾壺觴開春日紅浪圍油車今年逢

國忌主人減歡娛拉我一登覽枵腹餐琳腴我有五畝
宅種桃三十株十載隔塵境對此空踟躕

訪法梧門賦贈二首

紅塵撲面踏天街爲訪詞人叩舫齋弟子詩龕尊北地

先生蓬徑卽西涯

顏所居曰小西涯

庭連馬櫪喧其豆坐設朋

樽款韭鮭除却圖書無長物梨棠日影上苔堦

成均立法本周官母教源推吏部韓雁字詩傳孤月苦

荻書兒憶五更寒歷科前輩徵遺事三舍諸生復舊觀

養育人材基太學清時忠孝出儒冠

梧門太夫人韓有雁字詩三十首傳

于世梧門奏復三舍之法又輯詞林掌故諸書甚備

己未三月七日同覃溪師飯于莫京兆韻亭三

花樹齋賦詩贈行和韻二首

紫藤花下客停驂四載懷傾半日談痕認鳳巢尋舊侶

事如雲影過春潭
柏圖嵩岳歌仍疊
柳折金臺月又三

彷彿連牀風雨後
一樓鐘語聽城南

乙卯歲師以嵩岳雙柏圖歌送行

京兆宣風治有聲
我慚郇雨負虛名
都將經濟酬師願

不逐浮沈踐夙盟
羣籍先求循吏傳
六書因見古人情

停雲悵望西泠外
天末吳山遠岫橫

師詩末句兼懷錢晦之胡維君二君

助子修史籍小學二考者也

新城二首

新滋麥隴綠無涯
畧約連村石徑斜
一曲紫泉通御

苑春深流出碧桃花

東華塵土浣征驂忽見河隄水蘸藍半幅蒲帆漁艇疾
移人清夢到江南

過河間贈鍾大尹

賢王舊第數名封大邑須才理要衝教士徵詩先六義
採風應詔對三雍譙樓晴擁中天麗瀛海波連上苑
濃大吏於今厨傳減循良勉繼漢廷龔

過德州

狂飈吹客到平原燕樹齊烟此結屯何處下帷尋董子
有人澆酒弔王孫長橋鐵鎖通南北舊跡黃河失宋元

大舳連檣貢天庾中流扼要達津門

地有黃河塘傳爲九河故道

見新柳

春滿江南已十分沿堤始見綠繽紛塵不染黃金色

德水初添碧玉紋翠鳥未鳴風尚勁布帆斜挂日纔曛

廿年此地驅車過帽影鞭絲憶范雲

戊戌清明日同范芳谷過此

平原弔顏真卿

漁陽鼙鼓沸西京逆使飛書撼德平一旅孤城能抗賊
九重天子不知名常山守死功堪竝靈武圖興事可成
廟貌夕陽疎柳外隔津河畔載英聲

夢游泰山歌

罡風陣陣吹齊烟明月挾我東峯顛玉葉粲然啟貝齒
青帝闢戶相周旋倏忽四萬八千丈正歷三宮空洞天
沆瀣濛濛濕衣領逼人寒翠清無眠黃河一綫九天落
日月北斗皆倒懸秦篆漢隸了可辨神光下徹璣與璇
柏雨松濤震萬古混茫一氣交蟬蜷濟汶百泉掌中覆
下澤萬國皆豐年七十二君詔我語曷不撰記青瑤鐫
答云方今

聖人出云亭封禪勳無前玉檢金泥陋符瑞蓬萊方丈

嗤神仙元君莞爾顧我笑爾言非嚙非狂顛一生苦無
濟勝具此行許結山靈緣天雞啼曉日輪出長鯨駕浪
呼青蓮

白溝河

拒馬河邊策馬過瓦橋往事付空波六州一割無全宋
奉幣年年館伴多

過齊河縣

三度維駒古祝阿民勞時聽邑中歌賦捐粟帛頻頒帑
力竭東南爲濬河日上籃輿人影瘦風清麥隴雉鳴和

綿駒亦是吾蒼赤變俗無煩禁且呵

開山驛見桃花

土銍疊枯槎明眸一樹花春風不擇地錦瑟怨年華斜
日倚修竹何人障碧紗相看各無語紅淚落天涯

蒙陰道中雨

三冬資雪澤好雨又芳晨宿麥鋪青罽崇桃落錦茵所
欣沾畎畝寧計濕衣巾賀雨歸

明聖封章納諫臣

東坡詩愛君誰似元

和老賀雨詩成
即諫書我皇上廣開言路政治

一新甘澤豐年
自然瑞應也

渡沂河東洪桐生太守

桃花搖遠浪紅雨送歸輪昨夜添新漲

夜雨初晴

沂川恰暮

春談禪未妨政戒殺亦宜民一飯同蔬菜吾生慣食貧

虞溝二首

烏騅悲帳下歌舞強歡娛天下不歸項此溝猶姓虞
王爲天下死多情惜寵姬姬爲王殉節地異浣紗磯

渡黃河

黃河界天地勢與東溟會元氣納沙磧淮流資激汰我
家本澤國宦遊復江介往來三十年性命狎濤瀨流光

擊空明一度一警戒憶昔官河儲三載無河害敢邀神
貺厚適遭河運泰邇來憂泛溢疏濬及畝澮有司煩畚
鍤民力稍彫瘵國帑數百萬巨壑委草芥吾

皇膺景命合龍水勢殺春汛穩桃花蛟龍閉幽怪
王政平如水河伯胥安派東南頌河清瓣香祝且拜是
日景和美兩岸浮青靄揚帆達袁浦凌風亦稱快

泊揚州

畫船無人簫鼓歇寂莫珠簾捲三月鼠姑芍藥亦有情
淚珠紅漬闌干沒壓檐穠花那問錢商人不敢傍花眠

我是廣陵舊太守昔日看花今白首

過金山

大浪如雪白浮山快帆似馬剪江還江南江北車斑斑
十年九度款禪關恒河照鬢人依舊汲水老僧今在否
塔語風鈴替戾厠生捉逆曾獲其醜

過無錫與秦蓉莊話別時蓉莊有出山之意作
此促之

延英入對感

君王說與知交氣激昂白髮銜恩思報稱彈冠須及

好時光

前身夢蝶秦淮海小住人間第二泉
未了蒼生天下望
碧山吟社漫流連

別開虛室淨無塵醞釀花光九十春
婪尾一杯須盡醉
竹爐共話少同人

竹林把臂簪兼成

謂小峴

別意西林一幅絨

舊有西冷別意圖

出

岫雲如懷舊雨遲君同挂六橋帆

吳江金青儕以詩境蘇潭合作長歌見贈作此

奉答兼呈翁覃溪師時舟泊楓橋

環中廬語吐青蓮

王述菴序君詩云學太白

投我長歌句欲仙鶴市

懷人應有夢燕臺握手竟無緣一春花影遲歸騎十里

鐘聲送客船明月太湖三萬頃待君同唱水雲篇

白也風騷信絕倫坡翁曠代兩詩人名潭自問難窺室

合詠深慚未逮津天際烏雲傳妙境

師得天際烏雲帖真蹟故以寶蘇顏

室箇中禪榻悟前因懸知話雨蘇齋後定憶西湖畫裏

身

題孫淵如禮堂寫經圖六首

安世通三篋康成注六經著書頭早白視世眼尤青博

物今無比揮毫昔未停湘東三品在芸館尚流馨
稽昔三雍制于中有禮堂吏皆明篆隸士亦習文章漢
學誰能紹先生獨補亡程朱義同契吾道豈相妨
通經能致用抗節著青徐刑法寧無志河渠亦有書與
時多牴牾考古獨踟躕書帶千年草青環白下廬
巾箱多手跡妙本勝湘東祕閣君能讀鈔胥世豈同前
身眞脈望小技笑雕蟲濡露丹黃徧書窗五夜風
春風初識面十載早知名賓右交遊密湯陵辯證明江
南初放棹湖畔恰聽鶯充櫟無他物蠅頭細字精

六書兼史籍蒼萃賴通儒絲竹餘清響菁華吸古腴探
幽窺漆簡辨僞識鴻都兌麗軒名窮年月披圖愧老夫
喜見

天南置驛 詔書生特許封章達 帝京喜見 絲綸
褒陸贄還聞諫議起陽城立朝幸勿辜

君德論事仍須體物情袞袞諸公登畫省莫嗤處士負
虛聲

祈晴二首

農夫未識天地心不怨力作怨風雨老衲歲無齋粥憂

燒香只怕達官怒浮雲將飛尙延佇白日欲吐不輕吐
千佛同聲聽法鼓已報晚虹飲江渚

三沐三薰九頓首爲民請命豈敢後曰雨曰暘如反手
霽色湖光散花柳笠影鞭絲秧馬走神之福我亦何厚
今年敷奏達我

后

今春入覲上詢及天然求晴雨最靈應

自今以時歲其有

題胡維君清源草堂圖二首

昔識匡廬而今尋清水源浮生同夢幻夙世有仙根樓
閣空中景烟霞物外村攻離山下路相訪認柴門

環山風雨外又闌此書房地志繙南郡蘭陔憶北堂注
經窮禹貢紀蹟過襄陽江漢源流合寧臺道阻長

見君自記

自遣四首爲亡兒學增作

江水蛟龍真狡怪奪我癡兒割我愛游戲人間二十年
便欲超然謝塵海是日江豚吹石尤嗤汝性命輕浮鷗
舟中縱有跛男子未必天神拯溺流

汝年未冠生一子汝子生後汝母夙夙又三年送柩歸
汝之事母事畢矣獨憐弱媳及諸孫

一孫男二孫女

撫養尙時

老翁存他時娛老蘇潭上傷心怕過石樓村

學增自號石樓今得

屍處乃石樓
村豈非前定

昨夜夢中見汝來抱汝欲語聲哀哀錢塘怒捲江潮迴
淚流不到章門隈醜發南昌大守椿齡秋谷書言汝三日猶
完軀汝魂慎勿念老夫老夫欲泣精血枯

汝歸爲母營窀穸窀穸未成汝命畢汝柩權厝汝母旁
泉路迢迢豈相失自古愚孝忘其身汝休怨命嗟不辰
才非靈均與太白魑魅相逢喜善人

題仲魚尙友圖

茫茫天地子身超不見前人萬古遙誰料軒窓相晤對

直從瘖寐得招邀
掀髯一笑通仙語
放眼諸儒曾廣霽
空谷蹉然行徑外
年年秋雨響芭蕉

張螺浮先生涉園圖爲東谷題

涉園在海鹽烏夜村順治乙未

進士螺浮都諫名惟赤所搆王補雲常爲都諫子臨亭行人作圖題咏甚多此圖則都諫曾孫

柯屬查日華重臨者也

風烟百載剩圖畫
喬木世家惟廣文
諫院無人焚舊草
蓬廬有客誦清芬
國初諸老看殘墨
我輩尋春空夕
曛海氣欲翻山
壑動講堂琴操壁間聞

和胡維君七月二十五日夜雨中不寐

江湖挾雨浪圍城不辨譙樓玉漏聲壯士挽河初洗甲

將軍橫海欲屠鯨

時教匪將就平而撫軍玉達齋方剿洋盜於海上

已驅酷吏

見清宇預恐嘉禾傷紫莖靈鷲山前天竺寺辦香私祝

念怍怍

明日將禱晴于天竺

和胡維君後樂園夜坐

一園深翠濕芙蓉人定香生雨霽餘螢點疎疎吟倦後
蝶飛栩栩夢回初詩書燈火親涼序樓閣湖山切太虛
與子相依數晨夕官齋奚啻豫章居

題恩遠亭觀察聽鶯圖二首

雲樹碧沈沈何人求好音四宜

書屋名

做幽榭百轉在高

林靜者故多妙孤樽還獨斟戴公山下路咫尺畫堂深
年年歌得寶吳越綵舫空高柳千帆岸長河四月風一
聲春正暮萬戶雨初濛定憶西湖畔花間坐兩翁

追題王涵齋先生撚鬚圖

手捫星斗揭河漢眼覩萬古一笑燦科第真如摘領髭
耽詩美於悅芻豢泰山喬木不可望幅巾我未登公堂
當時膝上王文度今日相看鬚又蒼

題王西園跌坐圖

第二泉邊茶熟後九龍山下月來時
瞠然瞪目此敷坐
不用拈花能解頤
身外有身機自悟
我中無我味先知

靈山偈子殊多事
硯舫燈明叩導師

時設帳於
八瓠書舫

交管自來設郡代有名臣詩人例得看山多游嶺外顧
馬新息之銘勛浪泊逮王姚江之控節峒蠻戎障攸專
雅歌未暇至若堂開獨秀詠漫附乎五君亭辟昭潭詩
僅傳於十愛虞衡志輯石湖猶緝郡符魚稻吟殘淮海
但愁遷客求以達官而傾風雅能於政成發爲文詞非
仕學之兼優豈遭逢之易得中丞蘇潭先生前輩西州
儒素東觀老蒼讀中祕書綺歲而才高江夏秩二千石
典郡則社近冶春平山堂上之詩人知衆叔金隄使者
之節

帝擢平當未三年而陟外臺越再遷而領方伯風行唐
魏爭聞竹馬之迎名亞白蘇合作湖山之主春臺毗樂
暇尋鶴墅之樵秋稼年豐吟訪鷺巖之桂寄古歡於金
石集錄堪補歐陽羅佳士於東南才子豈徒張率千篇
詠史左太冲卓犖之觀一品題詩李文饒會昌之集恭
值蘿圖之

御極正當簪輔之朝

天

上方嚮用儒臣公特懋膺開府

謂行儉爲文武兼備況弱翁乃

朝廷深知戴瘴龍編古來號稱難治熊風驥道南裔能
使肅然徠江甸而乘輶喚秋霜而載路故園小駐剛逢
庾嶺梅開侯館無煩請看湘江水淥鴈天蘆岸朋聯夜
舫之燈嶽色湖聲客倚飛倦之篷了無公事吟籤偕驛
候均排時有文心詩史與官箴竝絢桂先去蠹來輕陸
賈之裘鸞不暇驟興軼韓公之句廼以仲冬之序莅茲
憲府之堂下車則軌度脩明敷政而吏民帖息百蠻效
職看銅鐻之納厨十郡書年聽銀簪之叩鼓輯六十載

未脩之志乘裒載藉於航頭漕卅六門漸闕之陡河度
鉅工於鏵耑

丹豪批詔惟獎卿才赤微熙春實推公望於是簪山帶
水納藻思於非煙偶從茗椀香鑪潤吟豪於釀水律真
漸細文小彌工陋宗派圖但誇雙井后山之勝續傳家
集奄有澂江春草之神論報

國則此特緒餘用資黼黻訝落筆之何其奇秀勝助江
山從茲歷一官成一編公直登槐鼎之席洵哉讀萬卷
行萬里天教作桂海之游楷學愧後塵心傾大雅幸邀

博望之使曾爲曼倩之民冠冕文章朗誦台星南極鞭
笞官府欣逢上界真人進座右而論詩方公餘之儻臘
春先煥館手披一卷冰雪之文詩亦僊才名耀日南文
字之國吹於拙目許豹管以全窺率爾縱論處驪珠之
無價不文深忝作序奚堪喜時清而放官衙桂嶺宜人
行刻徧使君新句緣去思而牽鄉夢西湖別後誰繼起
玉局扶輪嘉慶己未小除日館後學錢楷叙于桂林學
舍